

江都縣志卷之二十八

江都縣知縣五格黃湘重修

人物仙釋

二氏者流務張其類如集仙錄高僧傳諸書率多侈言神異而子史中乃亦有間及之者遂以使後人叅疑信焉按前乘所次若而人豈果其人與事之無所鑿歟抑好事者之流傳附會以飾其說歟要皆不可深考然或閭里之所艷談又或遺蹟之尚有可指則存而不論亦以無湮舊聞云爾志仙釋

江都縣志

卷之二十八仙釋

一

漢華子期淮南人師用里先生受山隱靈寶方一曰伊洛飛龜秩二曰白禹正機三曰平衡按合服之日以還少一日行五百里能舉千斤一歲十易皮後乃得仙去朱璜廣陵人少病毒瘕遇睢山道士阮邱邱曰卿除腹內三尸可授以真人之藥璜謝曰當為君作僕遂與藥七令曰服九丸百日病下如肝脾者數斗越數旬肥健心意開朗又授以黃庭經使日誦三過乃同邱入浮陽山後八十年復見故處白髮盡黑至武帝末猶存杜姜廣陵東陵亭女子左道通神縣以為妖收之獄變形莫知所之狀聞即其處立廟祀之號曰東陵聖母舊志

云聖母廟每著靈驗常有一青鳥集祀所人有遺失則飛墜盜物之處以是廣陵道不拾遺

晉茶姥居廣陵不知姓名嘗如七十歲人而輕健有力耳目聰明頭髮鬢黑晉元帝南渡後耆舊相傳見之百餘年顏狀不改每持一器茗往市鬻之市人爭買自旦至暮所賣極多而器中茶常自盈人多異之州吏以胃法繫之獄姥乃持所賣茗器自牖中飛去

隋徐則在縉雲山學道晉王廣鎮揚州知其名手書召之遂詣揚州晉王將請受道法則辭以時日不便其後夕中命侍者取香火如平常朝禮之儀至於五更而死支體柔弱如生停留數旬顏色不變晉王遣使送還天

江都縣志

卷之二十八

仙釋

二

台安葬是時自江都至於天台在道多見則徒步云得放還至其舊居取經書道法分遺弟子仍令淨掃一房曰若有客至宜延之於此然後跨石梁而去不知所之須臾屍柩至方知其靈化時年八十二晉王聞而異之賜物千段遣畫工圖其狀貌令柳詵爲之讚

唐馮俊廣陵人貞元初以僱資生多力而愚遇一道士於市賣藥囊重約百斤募能負者俊請行至六合從登舟令俊伏船中道士獨引帆如在空中食頃召出已在廬山星子灣矣令俊負藥行五六里至山下有一大石道士扣之分爲二引俊入穴其中洞明有大石堂勅俊

捨藥命左右曰擔人饑與之食以胡麻飯一碗漿與之
送出授錢千文令繫腰下授以丹藥百餘粒曰日食一
粒可百日不食一石臥如虎令俊騎上閉目道士鞭石
覺在空中飛炊許躡地開目已在廣陵郭門矣視腰下
皆金錢也俊遂爲富民登上壽不知所終

李珣廣陵江陽人以販糴爲業每斗求利兩文以資父
母有糴者卽授以升斗俾自量丞相李珣節制淮南夢
入洞府見石壁金書姓名有李珣字方喜忽二仙童云
此乃江陽部民李珣耳卒年百餘歲

康紫霞東陵聖母廟女道士也少時夢中以天符攝將

江都縣志

卷之二十八

仙釋

三

軍巡南岳須臾間岳中峯嶺無不歷覽恍惚而覺自是
生鬚數十莖里人立廟祀之號曰仙女

劉白雲江都人家富好 人遇道士樂子長出兩卷書
與之能役致風雨變化萬物於襄州隔江山上結紫雲
幄化兵士數千人侍衛連月不散節度使于頔疑其妖
使兵馬使攻之弓矢不能及白雲乘馬走漢水上蹙波
起塵如履平地追之不得人有見其辰發靈州午已在
湘潭須臾七百里矣復於江都值樂真人授以金液九
丹之經乾符中猶在長安市賣藥尚有識之者

劉商彭城人擢進士第歷臺省爲郎中棄官訪道及廣

陵城有道士賣藥於衆中見而異之攜登酒樓所談秦漢歷代事皆如目覩及暮歸道士下樓倏不見翌日商於市訪之道士仍賣藥見商愈喜復挈上酒樓劇談歡醉出一小藥囊贈商并戲吟曰無事到揚州相攜上酒樓藥囊爲贈別千載更何求別去累尋不復見商開囊服藥身輕遂爲地仙

宋傅鴻揚州進士棄家雲遊至終南山太平宮修奉上眞香火忽夜睡覺知宮張守眞潛往叩鴻聞鴻睡中似與人語忽有火光從鴻寮內迸出守眞異之明早問鴻鴻曰今當限至遂沐浴易衣昇堂聽受眞武眞君降言

江都縣志

卷之二十八

仙釋

四

曰三月桃花景色天萬般眞瑞一時妍金枝寶運從新令仲節當迎赤脚仙次日鴻潛遁去不知其蹤後於明德宮降慶奉旨立祠贈號勝因真人

鄭搖鈴素遊京師常持一銅鈴搖鳴闐闐閒丐錢用餘則分惠貧者號爲鄭搖鈴宣和末忽來維揚搖鈴丐錢如故夜則寄宿逆旅久之謂主人曰吾將死願以隨身衣物悉寘棺中而焚之已而果死主人如其言昇棺出城舉者覺漸輕復聞鈴聲如在數十步外俄而鈴聲漸遠則棺愈輕若無屍至焚所啟蓋視之惟一竹杖而已

以上
仙

晉佛馱跋陀羅西域梵僧也華言覺賢釋迦來揚州止天寧寺覺賢能通華言席地趺坐翻譯華嚴經時有兩青蛇從井中出變形青衣童子供事遂立爲伽藍主永初二年宋主聞其賢欲迎致之覺賢遂遁去不知所之曇詵廣陵人幼從遠公出家勤修淨業兼善說講註維摩經行於世常著窮通論以明宿修述蓮社錄以記往生又能別識鳥獸毛色俊鈍之性洞曉草木枝幹甘苦之味妙盡其理人知其有密證云元嘉十七年集衆謂曰自建寺以來至此五十年吾之西行最在其後卽跏趺念佛百聲閉息遂絕

江都縣志

卷之二十八

仙釋

五

宋法莊俗姓申淮南人十歲出家爲廬山慧遠弟子少以苦節標名晚遊關中從叡公稟學元嘉初出都止道場寺誦大涅槃法華淨名每夜諷誦比房常聞莊房前有如兵杖羽衛之響實天神來聽也大明初卒於寺史宗常着麻衣或重之因號麻衣道人喜怒不常日往廣陵白土埭謳歌自適夜不知其宿處江都令檀祇召至與語詞多無畔岸索紙賦詩曰有欲苦不足無欲卽無憂未若清虛者帶索披麻裘浮遊一世間汎若不繫舟要當畢塵累棲息老山邱檀祇異之

竺慧慶廣陵人出家止廬山寺學通經律清潔有戒行

誦法華十地思益維摩每夜吟諷聞閤中有彈指讚歎聲常於小雷遇風波船將覆慶惟誦經不輟覺船在浪中如有人牽之倏忽至岸於是篤厲彌勤元嘉末卒慧益廣陵人出家隨師憩竹林寺精勤苦行誓欲燒身大明四年始却粒惟餌麻麥到六年又絕麥但食酥油有頃又斷酥油唯服香丸孝武深加敬異遣太宰江夏王義恭詣寺請益益誓志無改至七年四月八日廼於鍾山之南置鑊辦油朝乘牛車之山就焚帝駕親臨諸王后妃道俗士庶填滿山谷益乃入鑊據一小牀以吉貝自纏上加一長帽以油灌之將著火帝命太宰喻曰

江都縣志

卷之二十八

仙釋

六

道行多方何必殞命益確然無悔重以佛法憑囑廼手自執燭以然帽帽然已廼合掌誦藥王品火至眉誦聲猶分明及眼乃昧貴賤哀嗟莫不彈指稱佛帝於時聞空中笳管異香芬苾後詔於燒身處起藥王寺以擬本事也

梁道達俗姓裴河東聞喜人住廣陵永福精舍少以孝行知名拯濟危險道潤江濱永明中爲南袞州僧正在職廉潔雅有治才罷任之曰惟有故紙五束

惠命廣陵人住安樂寺開濟篤素專以誠實見知

隋智鍇姓夏侯氏豫章人少出家在揚州興皇寺聽朗

公講三諭善受玄文有名當日開皇十五年遇天台順
公修習禪法特有念力顛歎重之晚講涅槃法華及十
誦律弘敷之盛見重於時又善外學文筆史籍彌是所
長

惠璉俗姓吳江都人七歲依榮法師出家仁壽中從榮
被召住於禪定寺大業末郊壘多虞寺衆推璉善能禦
敵乃總集諸處人畜在昆池一莊多設戰樓用以防禦
時司竹羣賊鼓行郊野所至摧殄無抗拒者兵臨莊次
璉登樓一望但見張旗十里乃收束弓刀反縛奴僕大
設餽饌廣開倉廩身先入陣勞問軍主引至莊中命令
就坐既見盛設相與開顏飽噉而旋唯取牛十頭擬勞
軍士牽至中道璉後從乞皆用還之是以通莊竝漬惟
有禪定如舊

江都縣志

卷之二十八

仙釋

七

智聰未詳何許人陳平後渡江住揚州安樂寺大業末
思歸無計隱江荻中誦法華經七日不饑有四虎遶之
而亦不食已經十日聰曰吾命須臾卿須可食虎曰造
天立地無有此理忽有一公年可八十掖下挾船曰師
欲渡江棲霞住者可卽上船四虎一時目中淚出聰曰
救危拔難正在今日可迎四虎於是利涉往達南岸船
及老人不知何在聰領四虎同住棲霞院中若有凶事

虎入寺大聲告衆由此警悟每以爲式聰以山林糧粒難供乃合率揚州三百清信以爲米社人別一石由此山糧濟給真觀二十三年四月八日禮大師影像安坐而卒時年九十九矣

唐靈一俗姓吳廣陵人九歲出家十三斷髮先世爲富家既削髮推萬金之產讓諸昆季所取者惟衲衣錫杖而已初舍於會稽之懸溜寺徙居餘杭宜豐寺著法性論禪誦之隙輒賦詩歌與皇甫冉張南史等爲塵外之友寶應元年冬終於杭州龍興寺

大師佛唐貞元中客廣陵居孝感寺質甚陋衣總繭裘

江都縣志

卷之二十八

仙釋

八

盛暑不易蝨蟣聚其上又性狂悖日與少年鬪毆人稱其有神力一老僧訶止之師罵曰蠅蚋徒嗜腥羶安能知龍鶴之心哉老僧不能難一日自外來歸入室閉戶有於門隙視者見師坐於席有光自眉端發晃然照一室觀者奇之具告羣僧相率而拜及啟戶則已逝矣號爲大師佛

舉直懿宗子也游方抵揚州詔以太平倉基地爲鎮國禪院居之後葬於院隅立浮圖五級宋元豐末發隧得函柩全骨鈎聯不解舍利發光人以爲異

從審江都禪智寺僧日誦經數萬言咸通中受戒於燕

臺奉福寺名山勝地無不游覽晚歸淮甸推爲僧首既示寂茶毘獲舍利三十粒

宋贊寧有文學洞古博物著書數百卷太祖禮之王禹偁輩常就質疑柳開守維揚贈之詩有空門今日見張華之句筍譜其所著之一也

戒禪師住揚州石塔寺蘇軾赴登州戒往見之軾曰吾欲一見石塔以行速不及也及軾守揚州戒欲歸西湖軾疏留之有云渡口船回依舊青山之色秋來雨過一番鐘鼓之音

昭慶禪師姓林晉江人居揚州建隆寺與人言或以經

江都縣志

卷之二十八

仙釋

九

論或以老莊或卜筮方藥隨根器大小示之唐以來禪家盛行者惟虛門臨濟兩宗是時虛門苗裔分據大剎相望淮浙間臨濟之後自江以北惟慶一人虛門徒或不以爲然慶聞而笑曰此吾所以爲臨濟宗也後止高郵醴泉寺一日召諸禪者以偈二首示之明日歸寂其徒奉骨歸建隆起塔塋焉秦觀爲之銘

元志如揚州普門菴僧元至大二年志如置地若干畝至順間創建佛殿塑諸天法像元統三年築三塔於江都之永貞鄉志如囊鉢不設一錢以其說動人或伐材於山輦石於淵捐金於帑遠近相助其應如響學者來

無虛日志如待之未嘗厭倦又制爲規訓以次相傳於後

明道燹字天倫揚州天寧寺僧戒行精專博通內典與少師姚廣孝友善永樂中奉使日本卒於其國臨終作偈曰來不爲多去不爲少六十六年一了便了

德音號海潮揚州建隆寺僧精於數學嘗有叩門者僧呼曰東鄰某借鉏執出與之開門果然一日方飯有人問其父疾曰當卽愈飯畢又有人來問病曰淹久不瘥但未就木有頃又有人問疾聞厨中滌器聲曰噫死矣已而皆如其言其徒詢其故曰始吾方飯飯則生理知

江都縣志

卷之二十八

仙釋

十

其當愈旣飯則漸去食知其淹久滌器則入櫃櫃棺象也以是知其死

以上釋